

靜寧州志卷之八

錢塘 土 烜蘭坡 修定

雜集志第八

志曷爲乎有雜集也凡舊志之所不可逸者將各錄爲一卷則簡帙甚少不足成編將欲分類而條附前書則又各有義例難以混入茲釐爲雜集一志度觀者易於稽攷以資聞見云

古蹟

靈湫在州東南湫頭山遇旱虔禱輒應旁有亂石廟建

靜寧州志

卷之八

雜集

一

自宋元問相傳建廟時乏水祝於神忽有水從地湧出取用不窮湫卽亂石神湫也每夜溪嘗聞金鼓聲嚴公宅在章麻林遺址無存有墓在焉有宋時開寶四年神道碑

得勝州在州南七十里金大定年築內建朝陽殿又有

劉尚書宅在城西南隅

得勝砦已見第二卷此云州又云在州南未知何據

臨川亭聚遠亭俱在得勝州南山金大定初年建今廢
劉滬宅在水洛城玉虛宮之左

息肩亭在州東城外三將軍祠西周圍二十五畝明知

州祝祥建內有後樂堂咏風亭玩月軒諸處 水環
亭徧植花柳州守迎送往來輒憩息於此今廢
盍簪亭在州東三里明知州歐陽信建亭臺樹池竹樹
雲山四圍環繞八景之一今廢

陵墓

宋忠烈侯劉滄墓在水洛城西隴山之原有祠春秋致
祭

姜維墓在水洛城西南三十里無塚明萬歷間山崩碑
出上題漢驃騎將軍姜維墓李志云伯約天水人靖

靜寧州志

卷之八

雜集

二

難蜀中墓何以在此今碑沒於河誌以俟考古者
宋贈開府儀同三司諡武穆大將軍劉錡墓在州北二
里神道碑久毀於樵牧

宋封安定郡公贈少師諡武安追封涪王吳玠墓並贈
太傅四川宣撫使新安郡王追贈太師信王吳璘墓
俱在水洛北二十里隴原

又武安王三代瑩兆及涪
王夫人張氏墓並附焉

吳劉遺事

吳涪國武安王玠 王與曲端起兵涇原招流民潰卒
捍賊所過人供糧 道不拾遺猛士如林甲軍蔽野

每戰必先占高原必勝之地未嘗敗衄賊稍北退守河東不敢逾河飲馬

王治兵秦鳳諸潰卒復出就招王問訊再三搜索非是者五六人斥遣之餘悉斬於遠亭下去秦州十里軍中股慄

撒離喝浹服王善用兵勢不能破則密遣通書百端間誘言金國威德之盛公宜相時而動王復書畧曰夫華彞異域君臣異分此天下大義古今常理順之則治逆之則亂披觀傳記數千百年彞狄之亂中華與

靜寧州志

卷之八

雜集

三

夫叛臣賊子稱兵犯上率不旋踵夷滅無遺類者以其悖大義反常理神人憤疾天地不容也某世爲宋臣食趙氏之祿孕子育孫於中原之地倘有二心天地鬼神實誅之乃辱貽說使相時而動足下度某豈苟得忘恥見利忘義者耶一言之失駟馬莫及竊爲足下惜之

仙人關王與兀朮相見兀朮曰公若來降當得美地百里而王之王曰已事本朝安有二心乃親約議定

親兵不滿五萬每戰乘肩輿動鼓樂殊無懼色長於料敵激勵將士退者必誅信賞必罰戰無不勝

王素不爲威儀除宣撫副使簡易如故常負手步出與軍士立語幕客請曰今大敵不遠安知無刺客萬一有意外豈不上負朝廷委注之意下孤軍民之望哉王謝曰誠如君言然玠意不在此國家不知玠之不肖使爲宣撫玠欲不出恐軍民之冤抑而無告者爲門吏所隔無由自達某所以屢出者爲此也客乃服吳信國武順王璘 武安以弱卒抗堅鹵軍政尚嚴卒

靜寧州志

卷之八

雜集

四

伍逃散往往有全隊誅之者王則厚拊之如家人以輔成武安之志故士卒不敢犯武安之法而樂王之恩戰無不克

鹵廢豫歸我河南地幕府擬表稱賀王讀之愀然曰在朝廷休兵息民誠天下慶某等叨竊不能宣國威靈亦可愧矣何賀之有但當待罪稱謝則可幕府謝不及

諸將攻德順久未下王知士有情志且鹵將盡發西兵內外合以拒我 單騎自秦州晝夜疾馳 師云云

且治夾河戰地以預處我師於便而致敵於不便雖
隨 負販奴隸莫不區別有地

王策鹵必再爭德順乃亟馳赴城下德順之東曰東山
北曰北嶺東山小而可守下瞰城中北嶺形勢延接
實控扼之地王至則連營北嶺掘重壕築壘開戰道
益爲不犯之計且指視諸將以鹵他日所營已而鹵
果大至正營至所指之地有酋先引輕騎數千出視
東山去巢穴稍遠擊之狼狽 旣乃大開壁出師
苦戰自旦及晡鹵敗先退入壁自是遂堅守不動初

靜寧州志

卷之八

雜集

五

我一軍當北嶺下傳城下寨鹵騎可以馳突王至是
下令夜移入城將士不知所謂旣旦鹵果合兵大出
直至其處已無所得則數萬騎 譟城下意甚自得
王命偃旗臥鼓士無敢譁諸將請戰不應迨日昃
氣已惰令諸將忽鳴鼓將 其營鹵大駭復亟走壁
遣諸 追 之當時非王徙城下之 則鹵幾得
志時鹵 守不輕出 以奇

其言 列陣

以

入則燒土而掘之連夜堡成甫築畢而鹵兵大至極力爭之殺傷幾半而不可得諸將益歎王之多算不可及也鹵自是失三路形勝糧運迂險尺寸不能進我斬馘築爲京觀者彌望而又東山橫其衝北嶺其後二路糧食皆我有我出兵要鹵糧道鹵遂艱食失東山堡時猾酋有終夕悵恨者王策鹵雖衆無能爲矣鹵既技窮度不可與我爭則潛軍水洛開道隴山以示我出奇實亦自便歸計王乃部置諸將分屯要害且益出蜀口之師分德順兵整陣內外相合以

蹙鹵

王初得退師旨幕府請復奏曰苟利社稷專之可也此舉所係甚重兵不可遽退王愀然曰璘豈不知此且三路士馬所出糧食所聚吾舊兵已老非假三路兵未易與鹵角今新附之衆幾十餘萬仰給三路圭勺不取外府而四民樂輸此誠恢復之基也議者憂鹵擣蜀口之虛璘百戰從軍豈不知鹵情且鹵持重必顧慮而後進方和尚原時我內外至危急鹵以璘兄弟扼其後終不敢輕向蜀况今逆亮死鹵內政未久

合喜盡西兵屯德順城下猶不能抗我豈暇他謀但
主上卽位之初璘握重兵在遠朝廷俾以詔書從事
璘敢違詔耶

王復至漢中時息兵已逾年王專留意民事問民所疾
苦漢中之民甚利之上降詔嘉獎

王移漢中開府未幾得疾遂請老先旬日有大星殞至
是王薨軍民號哭失聲至於罷市云又先數日封遺
事付其家令母啓之薨之數日啓封則家廟等數事
語不及他

靜寧州志

卷之八

雜集

七

劉武穆公錡 自金人渡淮淮南之人惟視公兵以爲
安危公旣得東關之險稍休士卒兵力復振鹵據廬
州不敢舉兵逼江者懼公乘其後也江南由是稍安
上謂大臣曰人皆謂劉錡善戰朕謂順昌之勝所謂置
之死地然後生未爲善戰也錡之所長在於循分守
節危疑之中能自立不變此最爲可取

公自順昌之勝金人畏之下令有敢言其姓名者罪不
赦

公發揚州時公病上遣中使將醫往視公曰錡本無疾

邊事如此至今猶未決用兵 敵人侵犯然後使
錡當之既失制敵之機何以善後此錡所以病也
有鹵使館都亭驛與其副飲酒其副不肯飲訶之曰酒
中安得有劉四 何不飲有使鹵者見其廢卒怒詈
馬之不食草者亦云蓋其威名素著於南北云

兵戎

宋

景德元年七月十二日涇原路請築隴干城置四砦募
弓箭手給田且耕且守

靜寧州志

卷之八

雜集

八

慶歷元年李元昊寇渭州環慶路馬步軍副總管任福
敗於隴干好水川死之亡將佐軍士六千餘人 是
年十月築水洛城

元豐七年六月夏人寇德順軍巡檢王友死之 十月
夏人寇靜邊寨涇原將彭孫敗之

建炎二年十月金撒離喝陷涇渭州經畧使劉錡退屯
瓦亭 十二月統制雷仲舉兵復水洛城復起陝西
都統制吳玠爲鎮西軍節度使

三年三月金人陷水洛城楊政等擊敗之

三十一年都統制吳璘遣吳挺王忠正敗金人於德順軍之治平砦 十二月吳璘遣將復水洛城

三十二年閏二月丙子姚仲遣將復德順軍敗金人於瓦亭 三月吳璘復德順軍

紹興三十二年金完顏悉烈等率師十萬復攻德順軍

吳璘築堡東山力戰拒之詔吳璘班師 六月平涼

屬金

金

貞祐三年平涼致仕楊廷秀水洛主簿宿徵等起兵殺

靜寧州志

卷之八

雜集

九

防禦完顏八斤

元光元年八月夏人入德順軍掠神林堡

元

太祖十六年十一月招諭金德順等州

二十二年元主次隆德拔德順等州金德順節度使愛申及進士馬肩龍死之

明

洪武二年夏四月乙酉大將軍徐達率師自鞏昌還至靜寧州元知院杜卜花達魯花赤王醜漢棄城遁

遣指揮潘某追北弗及獲其眾遂下隆德 五月分
遣指揮儲秭狗隆 靜寧會指揮吳汧陳壽之師平
諸屯結未附者 七月甲午遣降將李茂騎兵千人
復捕隆德以西之未附者戊申獲杜伯卜花反將張
演達達大都虎以歸 九月李茂麾下騎叛附賀宗
哲茂脫歸乃以顧時將兵騎畧靜寧州甲午復遣馮
宗異率步騎萬七千由靜寧伐賀宗哲遁歸王保保
乃還 十月王保保以師還乘勢
縱遊騎掠平革北鄙人畜
成化四年固原石城土達滿四叛城中告警居民悉入

靜寧州志

卷之八

雜集

十

內城不能容知州祝祥始築東關

正德十年五月北鹵大掠固原隆德靜寧

嘉靖元年夏四月鹵大至平涼一帶西掠安會寧

二年秋八月鹵酋吉囊掠固原西境至會寧

十五年鹵散掠安會北踰固原以歸

二十四年秋八月總督張珩遣總兵王縉邀擊鹵於小

蒜澗弗克城中戒嚴

崇正七年閏八月廿九日流賊大至陷關城駐防千總

永躍禦之賊攻大城勿克

年闖寇從西至州關城失陷殺掠甚衆大城堅 弗

克

十三年土寇徧起樂土里賊張一諒爲首糾合數千人

嘯聚界石舖知州陳 請兵協同防禦千總馬乾勦

平之

十四年土寇復起知州陳 招撫之

時鬚 四爲
首搶掠 村堡

十六年十一月闖賊李自成遣僞將賀某西寇至隆德

州人驚怖送款賀下令兵入民室者斬州民擁知州

陳 出城迎降

靜寧州志

卷之八

雜集

十一

本朝

順治三年正月十四日叛將武大定高一功合兵數千

圍靜寧駐防千總馬乾禦之十五日大霧覆城叛兵

不知所攻驚潰南去所過邨堡大掠

或云霧出
三將軍祠

康熙十三年平 提督王輔臣叛據秦州遣僞總兵李

國梁據靜

十四年八月

鎮提督孫思克率師復靜寧

秋毫無
犯人民

安 副將林

某屯兵防禦

十五年三月

日李國梁復攻靜寧城陷官兵五百

餘人盡降尋殺之賊拷掠人民留賊黨張某據之

六月西寧鎮總兵王進寶率師復靜寧賊聞風遁王進

寶兵淫掠靜寧人民逃散室藏一空

康熙三十年七月吏目羅萬方率眾擒縛妖人包道及其黨眾於州城初包道稱李鳳龍聚集亡命數十人於主山腰崖圖為不軌廩生賈映洙為謀主會其黨洩謀於西寧按緝甚急執映洙父貢生璘勘問璘死群黨因偽為拘首械包賈進城實欲為亂萬方同貢生岳鼎桂監生慕謙生員馬呈極等察其舉動協力

靜寧州志

卷之八

雜集

十一

共執解至蘭州斬之並夷其家

災異 蠲賑附

金

正隆五年三月陝西地震德順鎮戎軍大風壞廬舍人

多壓死

元

至正十八年安會靜寧莊浪等地地震 一作至正十二年地震又十三年復

震月餘不止

明

成化二十年大旱日如流火百草俱枯

二十一年大饑知州祝祥出倉糧二十餘萬石賑之

宏治十四年正月地大震聲如雷

十六年六月黑蟲大傷禾稼吏目張思聰護州篆以

文禱於嶽祠越三日蟲盡斃

嘉靖二十八年大饑

三十四年十二月地震

萬曆十年四月好蚌害稼五月六月無雨大饑

四十五年六月黑霜隕殺夏秋禾盡潰道路以腥

靜寧州志

卷之八

雜集

十三

天啓二年九月地大震星殞如雨

崇正元年旱

二年大饑十一月天鼓鳴如雷

十年旱

十一年黑鼠傷稼

十二年大饑

全陝皆同

十三年大饑蝗大至害禾稼

連歲大饑月日
凋亡幾無遺

十四年二月雨土

十五年五月朔日夜雨至曉蝦蟆滿城

大清

順治九年六月初三日黑霜傷稼

十年十月 鳴大星殞

十一年六月初八日地大震庄屋傾頽城堞悉毀人畜多壓五月西

河清西河見底泥濘濁至是泓云西河清甲第生

十二年有 獸遊於州西北野時民以弓矢火鎗逐入窟洞燠死或曰白

虎黑文恭 騶虞云

十三年夏五月不雨

十四年三月雨菽粒小不堪食 種之乃出

靜寧州志

卷之八

雜集

十四

十五年春大風折木飄瓦 夏大雨雹害稼傷六畜

康熙元年七月十二日大水時雷雨連晝夜震文廟坊

泛漲夏禾盡沒稍殺復排山出湮沒庄堡人畜無數 先是數十日前童子謠曰七月十二三洪水來掀天

然而

七年大饑甘寧巡撫劉斗奉

賑濟 一作六年

二十二年七月南河水橫流湮傷禾畜

二十三年三月有彗見於西南數月始散 四月二

十三日隕霜殺夏禾盡

二十四年夏秋禾大登 賤病農

二十六年夏五月初四日冰雹傷禾

二十七年夏四月朔日有食之 晝如 夜尋復

三十一年夏五月不雨疫癘大行蟲大傷夏禾知州

守義建八蜡祠於東郊

四十三年夏五月不雨

四十五年四月通邊鎮曰楊開花 狀類 紅蓮

四十八年秋九月十二日地大震如雷城垣多傾

五十一年夏四月初九日大風折木摧南城樓

靜寧州志

卷之八

雜集

十五

五十三年夏旱知州廷鈺報灾停徵奉 上借賑糶

三法並行 州倉糧不足奉 撥秦州糧三千石 秋七月廿四日地大震

五十四年奉

旨免地丁 額之全

五十五年復免地丁歲額之全奉

旨借給窮民羊種每戶十隻六年完官 夏四月辛亥大

風拔木頽垣 六月丁未西河清訖己酉

五十七年戊戌五月二十一日寅時地大震聲如雷

城樓女牆官署民舍盡圯南五台山前峯崩治平川

山崩壅河壓死居民數千旋奉

發帑金一萬三千有奇

命大臣馳驛賑恤大口給銀二兩小口給銀一兩五錢

露居者給苫蓋銀一兩

五十八年旱

五十九年旱大饑斗米千錢發帑賑濟

雍正七年秋七月雨雹大傷禾稼

八年九年蠲免地丁錢糧止徵火耗以資養廉

乾隆元年二年因軍需後蠲免錢糧三年止徵火耗

靜寧州志

卷之八

雜集

十六

八年彗星經天自十一月至次歲正月始歿

十一年蠲免錢糧

瑣記

坊

按舊志載州治坊凡二十六歲久悉傾已無可考其

存者

文廟前二坊上書德配天地道冠古今刪述六經垂憲

萬世曰

關聖坊在中街曰安阜坊在通化街巷口曰黃公去思

坊在東街曰德星世聚坊勒王瓚世代名曰世科第
坊勒馬襄以下家世名曰經亞坊張世祥立曰經魁
坊王夢卜立

碑

舊傳古碑四宋開寶間章麻林嚴國公神道碑一今
毀大觀元年敕賜水洛城忠勇廟碑一詳藝文金大
定十六年歲丙申治平寨東嶽行祠碑一汴人焦濛
記前臨洮帥男白宗道書丹元至正十三年歲癸巳
威戎鎮大華嚴寺碑一載延祐歲甲寅陝西四川蒙

靜寧州志

卷之八

雜集

十七

古都萬戶府都萬戶鎮國大將軍答海忽都於本鎮
南山施觀音院一所並贍寺常住地事授本寺常住
海印清辨大師錦秀碑並存明碑不悉

官地

官菜園一處在聖廟東先年引水灌溉植蔬以資州
城各官之用今荒

雍正五年置先農壇祭田四畝九分

州東郊較場官地東西各二十畝息肩亭周圍二十
五畝與正殿禮生並讀祝生招墾東五里舖有故更

衣亭基約五畝墻址尚在水洛城官地三段東街營房地長八十五步濶七十九步東至生員孟希聖劉蓉地基南至官路西至官路北至官街各爲界東街察院官地長八十三步濶二十二步東至鄉約姚相地基西至孫顯榮地某南至官街北至孫承宗塲科各爲界西街從古官地一段長一百步濶二十步東至王宏榮地基北至後街南至官街西至張問政地基各爲界充忠勇廟春秋祭田

各寺香火地

靜寧州志

卷之八

雜集

十八

西巖寺香火地一百七十二畝內荒地二段以景家灣心中溝渠爲界與賈三典景文秀之地相連被侵康熙五十五年住持杜金秀控訐州牧黃查勘始復五台山宏治間平涼衛民劉澤普施地一百五十畝東至牛站溝官路西至龍王神湫南至饅頭山嘴北至山頭各爲界
聖母山香火地八十六畝八分九釐東至王應選地南至馮儒地西至古溝北至馬銓地各爲界
通邊鎮華嚴寺勤農里九甲陳加相施地東至路口

南至紅崖西埂北至古路各爲界

石門秋月觀香火地四十六畝三分東至劉君宰地南至墩壕西至石溝北至天河各爲界

紫荆山太佛寺常住地二段四至詳萬歷三十四年鑄磬初文朝江李隨喜買到常住地一段東至堡子南至城壕西至靈官殿北至高崖各爲界又買從政里地一段東至高崖南至李隨喜地西至官路北至孫喜增文朝江地各爲界

瑣談

靜寧州志

卷之八

雜集

十九

宋

吳曦鎮蜀久蓄異志一夕從月中照見其影乃帝王服自是逆謀益決見誌恠書

吳曦大逆涪信二王家聲斬焉墜地州人至今詈人不道猶曰吳曦雖隴上鄰邑亦爲此語

明

黨禮村居時偶夢一虎伏其門出視之則一徒步省試生倦息也禮延入歛贈以騎驢會生登科禮復資其公車情誼甚篤生成進士後官至固原總制卽金

城彭澤也赴任之時先謁故人當是時黨家河灣冠蓋如雲禮死猶展其墓云靳置之通判潞安也有一童子與處女曖昧成訟賢視童子期爲大器因平其訟諭之曰男未婚女未嫁合之雙美吾爲若月老矣當官成禮遂偕花燭賢旣歸里數十年後其姓名亦忘之矣一日傳固原總制臨其門持門生刺相見賢辭曰吾無此門人大人誤矣總制強進賢亟趨迎入門猶不識總制拜跪曰老師忘門生耶門生卽某年前潞安府童生郜某老師爲婚姻者也賢始驚謝郜

靜寧州志

卷之八

雜集

二十

卒厚報此二事可爲好行其德之勸

嘉靖間務本里人倪姓妻某氏年七十有四生子自謂不祥欲不舉賴族媵以存後氏年百四十六歿其子已年七十二矣子名恕郭敦家居一夜夢人邀至翠屏與之秕豆數合令將去敦夢中省識以爲此痘神遺也因持至站院見回民家曰若輩無神盍與之因盡與散而以其餘擲犬豕旣而回雛犬豕多出豆斃故知茲事之爲祚司非妄

本朝

州民夏尙文 人也康熙五十五年正月申拾日金
十二兩不告妻子坐待原主還之其人分金酬謝尙
文分文不受州牧黃扁曰義重還金

附安定監

按監明時爲韓藩牧地至

本朝康熙初年間牧事不修遂廢監員改隸靜寧民情
頗稱淳朴急公輸納司牧者每矜恤之數十年來
休養生息幾成富庶之區至五十七年地大震通
渭縣城池俱陷一二好事者就近告歸卽以安定

靜寧州志

卷之八

雜集

二十一

監作縣治焉迄今民苦追呼風土較薄雖籍隸通
渭而人心猶依依茲土故州乘尙存其名以見斯
州之典物焉

安定監本鞏昌府通渭縣之大華川前明定馬政割爲
牧地初置安定死城踞北山麓並東西關爲三城與
長樂靈武二監廣寧開成黑水清平萬安武安六苑
並統於平涼之死馬寺苑額軍四百二十七人原馬
並駒三千五百六十九匹嘉靖間馬並駒猶存二千
九百二十五匹設圍長二員

俱從
九品

後升爲監設監正

一員從七品錄事一員未入流七監一大學設教諭一員

國初尚仍之其後馬政滋敝康熙元年苑寺遲某題以河西民力已竭等事奏草牧圍報可於是諸監並廢

三年裁歸安定監於靜寧州仍其故名凡六營曰中

營曰稠泥營曰石峽營曰原川營曰衙門營曰雙井

營別號總爲馬營云東二十里至鎖龍川接通渭縣

界南十五里尖崗山三十里至第三鋪接通渭界西

三十里至蟾母山白馬廟接蘭州衛之牛營界

大路
天河

迤西爲明肅藩地
天河迤東爲監地北四十里至蒸餅山索駱峪接會

靜寧州志

卷之八

雜集

二十一

寧縣界在州治西南一百八十里

仙釋

張三丰明永樂間封通微顯化真人遨遊無定 間

紫極觀道士朱元正修築洞院塙雲房純陽畱侯 三

丰像於中獨三丰像結胎已就不能肖忽一日有羽衣

至蒲團杖履蕭然塵外元正接以禮安置觀之西北隅

齋隨散步道院見所未成像者問之元正對以故羽衣

曰此何難知吾嘗會其人於崆峒西崖與襄藩太虛子

善問何狀曰其人身可七尺餘面目頎偉長鬚修眉彷彿

佛與貧道同然坐位如此有所未安元正問故曰雲房
純陽皆師也可並坐乎衆然之工人依其言經營出像
少焉羽衣竟失所在乃知三丰示現也

西巖遊士不知何許人明正統間西巖寺重葺有道士
至衣冠藍縷而貌奇偉丰神迥異寺衆相與揖問姓名
鄉籍若不知少坐取氈捲縛人墜土甕浸漬良久雙手
振刷大書瀛洲二字於門壁縱橫名一間結構完密得
未曾有時楊儀讀書山寺從傍窺之道士顧謂曰吾問
人多矣未有骨秀如子者既見吾書子其可教惜名恨

靜寧州志

卷之八

雜集

二十三

未斷柰何儀欲畱山房卒去因送偕行數十里會天晚
同坐古寺中與言真草書法復授以丹訣戒勿洩後儀
果以工書知名道士字經二百年至崇正末大變寺宇
焚毀猶巋然獨存復十五載始毀

如和尚不知何許人身軀胖大長八尺餘額有橫文如
指髡首銅箍破衲跣足神光煥發每於街市間或立或
坐或臥或行無定處值甚暑凜凜寒氣逼人嚴冬則裸
體仆霜雪中鼻口間烘烘如雲蒸或入冰水以浴終日
常笑了無一言人問齋否則點首與之食升米一飯斗

米亦一飯時人呼爲如瓜子云一日忽號於街曰我去也我去也連號數日群小兒隨行尾之乃跌跏南市端坐而化衆白於州牧建塔龕馬會萬厯間天旱譌傳塔中有聲衆怪之乃以火焚後聞有遇於蜀者

靜寧州志卷之八終

靜寧州志

卷之八

雜集

二十四